

# Jém carta jém ijáyayñewiip

## Pablo jém Tito

### Jém Pablo ijáyáy Tito

**1** Ich aPablo, aṅcuyoxap Dios. Ich acutsat Jesucristo juuts tum apóstol. Dios acupiṅ iga anyoxpádiñ jém Dios ipixiñtam jém icupiṅneyajwiip Dios. Acutsat iga anaṅquejayyajiñ jém numapic aṅquímayooyi iga ijodónayajiñ jutpic ijisyajpa Dios, <sup>2</sup>iga tanaṅjócpa jém vida jém dápic cuyajpa. Porque Dios tajycámayñe dende wiñigam, antes que wattap yíp nas. Tanjodoṅ iga Dios dá miğóypa. <sup>3</sup>Siip núcum jém tiempo iga tacjodónap jém wibic aṅmaṭi. Accámṭa juuts tum jém Dios iṅmaṭciwiñ iga anaṅmaṭiñ jém wibic aṅmaṭi juuts apiimiyñe Dios jém taciaputpáppic. <sup>4</sup>Siip miTito, manjáyáypa juuts tum mammanic porque tanaíṭta tumṭi fe. Siip tanJatuṅ Dios y tánOmi Jesucristo, jém taciaputpáppic, miyoxpátpa iga wiṅiñ iṅwat juuts je ixunpa, michiifámiñ jém paz iga odoy ti iṅciṅjiñ.

### Yoxap jém Tito jém isla de Creta

<sup>5</sup>Mantsac jém lugar Creta iga iniccupaguñ títam ifogóyáy jém

Dios iyoxacuy, iga iniccámiñ tum cobacpic aṅjagooyi cada atebet iga iṅjaguñ jém Dios ipixiñtam juuts mannímayñe. <sup>6</sup>Cupiṅi tum pxiñ jém dápic imalwatpa, jém iniitwiip no más tum iyomo. Wi iga jém imanictam icupicyajpaṭim Dios. Da wi siiga imalwatyaajpa. Da wi siiga dá cupigóypa. <sup>7</sup>Jém iṅjacpáppic Dios ipixiñtam, da wi iga imalwatpa ni uxax porque iwatpa cuenta jém Dios iyoxacuy. Da wi jém pxiñ jém dápic iwianjam iga tanjixianṅchiṭypa. Da wi iga tsam jóytero, da wi iga tsam ucpa. Da wi iga tsam cótsóypa. Datim wi iga tsam icusúnṭypa tumiñ jém dápic imiichi. <sup>8</sup>Wi iga icwíguñ jém miñyajpáppic juumi y ichiiba jut monpa. Wi iga ifóyñ jém wítampic cosa, iga jixiṭyñ jém pxiñ. Wi tum pxiñ jém ichacnewiip jém malopic ijxi, iga wiñiñ iwat itumpiy cosa juuts ixunpa Dios. Wi iga nawattaiñ cuenta iyaac iga odoy imalwadiñ. <sup>9</sup>Wi tum pxiñ jém dápic ichacpa jém wibic aṅquímayooyi jém aṅquejayñetawiip. Jesic wiap icamamwadáy ianama jém itiwitam con jém wibic aṅquímayooyi. Wiapṭim iṅjyjac jém aṅayajpáppic

contra jém Dios in̄mafi iga ichacyajiñ jém migooyi.

<sup>10</sup>Ífyaj jáyan jém ijóyixyajpáppic jém Dios in̄mafi. Tsam imigóyayyajpa jém ífiwitam con jém malopic in̄químayooyi. Jém icupicneyajwiip idic jém judíos in̄químayooyi agui iwianjamyaj jexpic migooyi. <sup>11</sup>Jeeyaj wi iga tananúgáypa ijip porque ictogoyáypa jém wibic ijixi jém Dios ipixiñtam. In̄quejáypa jém dá wibic an̄químayooyi iga imalcoñwíypa jém tumiñ.

<sup>12</sup>Tum profeta de jeeyaj nimpa iga: “Agui migoyyajpa jém Cretapic pixiñtam. Tsam bruto, tsam malo ijixi. Agui wícyajpa. Agui cutiñ, dá yoxayajpa.” <sup>13</sup>Numa, da migóypa jém pxiñ. Jeeyucmi wi iga pimi tananquímyajiñ iga iwícupiguiñ jém Dios in̄mafi. <sup>14</sup>Pimi an̄químyaji iga odoy iwadayyajiñ caso jém migooyi jém ijixquímnewiip jém judíos. An̄químyaji iga ichacyajiñ jém an̄químayooyi jém iwatneyajwiip jém pixiñtam jém ijóyixyajpáppic jém numapic an̄mafi.

<sup>15</sup>Siiga Dios iwítsagáypa ijixi tum pxiñ, jesic ijispa iga itumpiy cosa wi. Pero jém dapic wítsagayñeta ijixi, jém dapic icupicpa Dios, ijispa iga itumpiy cosa malo. Da wibic jixi iniit ijixianjom, da wítsagayñeta jém ijixi. <sup>16</sup>Jeeyaj nimyajpa iga iixpicyajpa Dios, pero quejpa iga migóypa porque da iwíwatyajpa juuts ixumpa Dios. Da iwíap jém Dios in̄químayooyi. Tsam jóyixoyyajpa. Da iwatyajpa ni uxan juuts ixunpa Dios. Da wiap iwat ni tum wibic yoxacuy.

### Jém wibic an̄quejayooyi

**2** Pero mich miTito, wianqueji jém wibic an̄químayooyi. <sup>2</sup>Nímaayi jém tsamifampic iga: “Dios ixunpa iga cucacneiñ in̄jixi, iga mijixiíyítamiñ. Wíwattaami iga miwíxyajiñ jém in̄fiwitam. Seguido cupici jém tánQmi Jesús, toyi jém tantíwitam, yaachiiyi cuando miyaachwattap.” <sup>3</sup>Jempicím an̄quejaayi jém tsamipic yomtam, nímaayi iga: “Dios ixunpa iga in̄wattamiñ juuts jém wibic yomtam jém dapic táncafy. Odoy cujiyi jém in̄fiwitam. Da wi siiga tsam miuctámpa. Jesic michíyítámpa juuts wibic ejemplo.” <sup>4</sup>An̄quejayyaji jém mañyomtam iga ífóyiñ jém iwídaya con imanictam. <sup>5</sup>Wi iga jixiíyiñ jém mañyomtam, iga iwatyajiñ juuts jém wítampic yomtam, iga iwatyajiñ cuenta jém ífic, iga iwínanigáyiñ i quej y iga icupiguiñ jém iwídaya iga odoy i imalnímáyiñ jém Dios in̄mafi.

<sup>6</sup>Jempicím an̄quimi jém woñjaychixítam iga jixiíyiñ. <sup>7</sup>Pero miTito, siempre wati juuts ixunpa Dios. Cuando miixyajpa jém impixiñtam iga in̄wíwatpa, jesic jempicím iwatyajpa mex jeeyaj. Siip wianquejaayi con itumpiy in̄jixi iga miwíxyajiñ jém in̄cuyujciwiñ. <sup>8</sup>Siempre wianmāti jém wibic an̄mafi iga odoy i miñímáyiñ iga in̄inmatpa migooyi. Jesic jém nicyajpáppic en contra de taichtam agui tsaap. Da wiap tamalnímáy.

<sup>9</sup>An̄quimi jém esclavoyaj, nímaayi: “Cupictaami jém in̄omi. Siempre wattaami juuts mipiimíyfa

iga miwixiñ. Odoy anjibaccuumi.

<sup>10</sup>Odoy cunúmaayi jém ñomi, pero siempre wíwattaami jém inyoxacuy iga jém ñomi miniidáyíñ confianza, jesic wixtáp jém Dios injuímayooyi, jém taciacputpaap.”

<sup>11</sup>Dios tañquejayñe iga tayaachanjampa tantumpiytam. Siip iciacputyajtooba itumpiy jém pixiñtam juñquej yíp naxyucmi. <sup>12</sup>Cuando tánixpa iga tayaachanjampa Dios, jesic tantsacpa itumpiy jém jixi jém dápic iwianjam Dios. Tantsacpatim iga tañcusúníypa jém malopic cosa juuts icusúníypa jém ityajwiip yíp naxyucmi. Dios ixunpa iga tajixiíyíñ, iga tatsíyítampa juuts wibic pixiñtam, iga siempre tañwattámpa yíp naxyucmi juuts ixunpa Dios. <sup>13</sup>Siip agui tamaymay iganam tananjóctámpa iga miñgacpa yíp naxyucmi jém más mijpic Dios ipimi, jém Jesucristo jém taciacputpáppic. <sup>14</sup>Iyaac nachiiñta iga accaata iga tacupujpa de itumpiy cosa dápic wi. Tacujicháyáy tánanama iga tatsíyítamiñ wibigam tapixiñtam, jém Cristopic tamiichítam. Jeeyucmi agui tañwianjam iga tañwíwatpa.

<sup>15</sup>MiTito, anquejaayi jém impixiñtam yíp wítampic cosa. Anquímají, wogayyají jém dápicnam iwícupicyajpa juuts tum minjagooyi. Odoy jici iga i mijóyixiñ.

**Íti wíap iwatyaj jém icupicnewiip Dios**

**3** Acjisi jém impixiñtam iga icupicyajiñ jém gobierno y

jém anjagooyiyaj, iga iwatyajiñ juuts ipiimíyyajpa, iga ityajiñ listo iga iwatyajpa itumpiy jém wítampic cosa. <sup>2</sup>Nímaayítim iga odoy i imalnímáyíñ, iga odoy añayajiñ. Wi iga iwixiñ i quej, iga iwínanigáyíñ itumpiy jém pixiñtam juuts tum pixiñ dápic malo.

<sup>3</sup>Wiñic taichtam da idic tajixiíyá. Da idic tañcupictámpa Dios. Tatsíyñeta idic juuts esclavo de itumpiy jém malopic jixi porque tatogoyñeta idic. Tsam idic tañcusúníypa itumpiy jém malopic cosa. Tsam idic tammalwatpa y tsam tacunaíyóypa. Tsam tanajóyixítamtap idic.

<sup>4</sup>Pero jém tanjatuj Dios, jém taciacputpáppic, tañquejáy iga tsam tayaachanjamtámpa. Tañquejáytim iga tsam itoypa itumpiy jém pixiñtam. <sup>5</sup>Jesic Dios taciacputta, pero da porque tsam tañwíwattámpa, pero taciacputta porque tsam tayaachanjampa. Tacujicháyáypa tánanama, tanayxetum cuando tacjoomaset por medio de jém Dios iAnama. <sup>6</sup>Dios tachi iAnama tsam jáyan por medio de Jesucristo jém taciacputpaap. <sup>7</sup>Dios tsam tayaachanjampa, jeeyucmi tatsíyum juuts tum wibic pixiñ, cuáyñewiip ianama. Siip tananjóctámpa iga tampictsonpa jém vida eterna juuts tum herencia.

<sup>8</sup>Yíbam jém numapic añmatí. Wíañquejaayi con itumpiy impimi jém icupicneyajwiip Dios iga seguido iwíwatyajpa. Yíp añmatí tsam wi, tsam tayoxpátpa tantumpiytam. <sup>9</sup>Odoy tigíycuumi cuando añayajpa jém cuixipic

pixiñtam ni con jém iwatyajpáppic jém lista de jém wiñicpic itíwítam, jém caaneyajwíppigam. Dátim wí iga iníñacaaba jém wiñicpic añquímayooyi. Porque jexpic cosa da íi cuwatcuy, da tayoxpátpa.

<sup>10</sup>Siiga tum pixiñ icujíñáypa jém Dios ipixiñtam iga nawécyajtaíñ, jesic añjiyjaci tunçiy hasta wisciy. Pero siiga da miwadáy caso, jesic quebacputi de mimichtámanjom.

<sup>11</sup>Tanjodoñ iga jexpic pixiñ togoyñe iííi, tsam táñcaíy. Con jeetim itánca nachiiñtap castigo.

#### **Jém Pablo iixfooba jém Tito**

<sup>12</sup>Siip miTito, cuando mançutsadáy jém Artemas o jém Tíquico, jesic siiga miwiap, nigí ameetsi jém atebet Nicápolis.

Porque ich anjísne iga jemum apoychíypa jém tiempo de succuc.

<sup>13</sup>Cuando nicyajpa jém licenciado jém Zenas, con jém icompañero, Apolos, jesic yoxpaati con itumpiy títam miwiap iga odoy íi itógoyayyajiñ. <sup>14</sup>Wí iga jém tantíwítam icuyujcaiñ iga seguido wiyoxaiñ, jesic iniitpa títam itogóyáy iga wiaptim iyoxpádóy. Jesic da xaja ityaj.

#### **Añquímajtap jém Tito con iamigoyaj**

<sup>15</sup>Itumpiy jém añwaganaitwiip yíim micutsadáypa wañtidos. Dioschiyaji jém tánamigoyaj jemíc jutí miit, jém icupicneyajwiip Jesús. TanJatuñ Dios miwiwadayatámiñ inñumpiyátam. Jemum cuyaj.